

Racoiüda dla Caritas; i sac dal guant mëss gní dá jö sön plaza dl implant portamunt Piz La Ila dal vëndres 9 de novëmber dales 15:00 inant cina la sabeda ai 10 de novëmber cina les 10:00. Sce al vëgn adoré sac fosé präibel no i fá plëgns y tignisse präibel ai orars.

La biblioteca Sas dla Crusc inviëia düc i interessá a Badia:” *Amisc dla letöra s’incunta – te sal bel da lí? I s’la cuntun di libri che i un lit*” en jöbia ai 8 de novëmber dales 20:00.

Udiënza dla defensuria zivica en vëndres ai 9 de novëmber, dales 14:30 – 16:00, a San Martin Ciasa de Comun. Informaziun y prenotaziun al tel. 0471946020.

Teatri:


L’uniun teater Badia inviëia te Ciasa Runcher a ciaré al toch “*Iubilars*” sëgn de novëmber: ai 9, 14 y 16 dales 20:00, ai 17 dales 15:00 y dales 20:00 y ai 18 dales 15:00. Prenotaziuns al nr. 3280984630 (da sëra).

L’uniun teater La Ila inviëia ala raprezentaziun “ *Madër nia jí ala nia*” ai 3, 4, 7 y 10 de novëmber dales 20.30 y ai 11 de novëmber dales 15:00 te Ciasa dla Cultura a La Ila. Prenotaziuns al nr.3332525740.

Le Consei de Formaziun de Badia inviëia les uniuns al referat “*Tigní na sentada o porté dant n salut da pert de na uniun*” cun Alex Ploner ai 8 de novëmber dales 20:00 te biblioteca a La Ila. Dedô sarái la sentada generala dl Consëi de Formaziun.

Bal de gala cun Wiener Tanzmusik ai 10 de novëmber dales 19.00 inant tl salf dles manifestaziuns a La Val organisé dal Cor dles Ères da Al Plan adöm al Cor Raieta da La Val cun le sostëgn de Badiamusica. Prenotaziuns por la cëna al nr. 349 2303591.

Incuntada grup “Atmosfera”: en jöbia ai 8 de novëmber dales 15.30 se incunta indô chësc grup te Raiun Sozial Val Badia a Picolin cun Irina Tavella y Barbara Rungger. Informaziuns plü monüdes pro Sabine Rainer tel. 0474/524519. Vignun/üna é bëgnnüs y é dër bel inviá/des.




Plata dla Ploania Badia

San Iaco - San Linert

Ploan: **Siur Iaco Wendelin Willeit**
Calonia Badia: **0471/839571**
E-Mail: **parrocchiabadia@libero.it**
Radio dla Ploania: **91,10 Mhz**

UNITÉ PASTORALA



www.unitepastorala.org

Ann „B“ 04.11. - 11.11.2018 31^a Domënia dl Ann n. 49

Festa de San Linert Patron de nosta dlijia



Vangele dla proscima domënia - XXXII^a dl ann „B“

Merch 12, 38-44

Te chël tëmp ti á Gejú dit ala gran meja de jënt ch'al istruì: Stravardesse dai studiá dla lege! Ai va ion cun guanc lunc incërch, se lascia ion saludé sön strada y sön plaza, y oress tó ite i pröms scagns tla sinagoga y avèi pro vigni past da festa i posé d'onur. Ales vëdues ti toli sües ciases y s'astilan sanc diji oraziuns dër lunges. Mo cotan plü döra sará la sentënza che ti aspeta. Canche Gejú é n iade senté defrunt ala cassa dal'oferta, ciarài pro coche la jënt scürâ scioldi tla cassa. Al n'ê tröc de ric che gnô y che dê tröp. Spo él ince gnü na püra vëdua y á sciuré ite döes de pices monëdes.

Al á cherdé pomez sü discepei y á dit: Amen, i ves diji: Chësta püra vëdua á sciuré tla cassa dal'oferta deplü co düc i atri. Deache düc á ma sciuré ite val' ch'ai á dessurora, mo chësta ëra, che á apëna da vire, ara á dé döt ci ch'ara á, döt so avèi por vire.

FUNZIUNS SACRES

04.11. **31^a DOMÈNIA dl Ann** – De de rengraziamënt dla racoiüda

FESTA de S. LINERT

- 09.00** Mëssa ciantada en onur de S. Linert
†to Erich Dapunt
†to Sepl Tavella
- 10.45 *Sfilada cun i ciavai y benedisciun*
- 18.00 †ta Erna Dapunt
†ta Waltraud Wieser Pizzinini
por les animes dl purgatore

06.11. Mertesc - **S. Linert**

- 19.30 †to Albert Piccolruaz y geniturs
†ti Rosina y Franz Irsara
†ta Zilia Rudiferia Declara

07.11. Mercui - *Mëssa cun i scolars dla elementara*

- 07.30 †ta Maria Rubatscher Anvidalfarei
†ti de Cianacëi
por fam. Paul y Rosina Dapunt en rengraziamënt

08.11. Jöbia - *Mëssa cun i studënc y crejimanc*

- 19.30 †ta Veneranda Ferdigg
†ti de Arturo Canins
por familia de Arturo Canins

09.11. Vëndres

- 07.30 †ti Egidio, Maria y Anna Valentin
por les misciuns
por les animes dl purgatore


10.11. Sabeda

- 16.00 Mëssa a Oies

11.11. **32^a DOMÈNIA dl Ann B**

- 10.00 Mëssa por la Comunité
†ti Sepl, Anton, Giovanni y Angela Moling
por fam. Laurënz y Hannele Irsara
- 15.00 *Zelebrazion dl Bato*
- 18.00 †ta Gerda Schulze Irsara
†ta Paola Frena Pitscheider
†ti Valire y Manfred Moling en onur a S. Maria

Dala VITA dla CÜRA



La proscima **Preparaziun al Bato** sará en sabeda, ai 10 de novëmber dales 15:00 te calonia a S. Ciascian. Prenotesse al nr. 0471/849372.

Prüma Comuniun: en mertesc, ai 6 de novëmber 2018, sarál dales 20:15 te scora na incuntada cun i geniturs di neocomunicanc 2019.

Rorate: al é bel sëgn da ponsé al Advënt. Porchël periunse i rapresentanc dles uniuns y grups che arjigna ca les mësses di Rorate da gní te calonia por fá fora la data dejiderada, y insciö ince i cors y grups che se mët a desposiziun por cianté y soné.

Festa de S. Martin: en vëndres, ai 09 de novëmber dales 17.00 vá i mituns y les mitans dla scolina cun la linterna fora por paisc por festejé San Martin. Dedô jun deboriada te dlijia olache al sará na picera funziun. Düc i geniturs, parënc y amisc é inviá a tó pert.

Incuntada söi „Dono-Amore: la Famiglia e la grande seduzione del male“ cun le prof. Diego Manetti, moderadú de Radio Maria: a **Oies** en vëndres, ai 9 de novëmber cun S. Mëssa dales 19:00 y dales 20 le referat.

